

曾
~~139~~
20

14
139
20



門 4
號 129
卷 20

小名錄

娥姁

漢呂后名娥姁

戊兒

武帝即位尊太后母戊兒為平原君

太孫

成帝名鰲元帝之子以宣帝之世生於田觀壽堂號曰世嫡皇孫皇帝愛之因曰太孫常置左右

唐 陸龜蒙著

小名錄

一

四集

犬子

司馬相如字長卿，母少字之曰犬子，長好讀書，擊劍，慕藺相如，乃更名。

童烏

揚雄之子，小字童烏，九歲與子雲論元。

匡鼎

匡衡字稚圭，少勤學，家貧，邑有大姓，文不識，家富，墻籍，衡乃為客作而不求直，主人怪問，衡曰：願得主人書，徧觀之，主人感嘆，遂給書，衡能說詩，時人語曰：無說詩，匡

鼎來，匡說詩，解人，照鼎衡小字也，其畏服如此。

緹縈

齊大倉令淳于公有罪當刑，以無子為嘆，少女緹縈，感激，上書，願沒入官婢，以贖父刑，天子憐其意，為除肉刑，改定律令。

陳持弓

成帝元始中，有眉城小女陳持弓，年九歲，走入城門，入未央宮內，尚方掖庭殿門，門者莫見，至鈞盾禁中，乃覺，阿嬌。

初武帝為太子時長公主欲以女配帝帝尚小長公主指女問帝曰得阿嬌好不帝曰若得作婦當以金屋貯之公主大喜乃以配帝是曰陳后阿嬌小字也

劉秀

東漢世祖諱秀字文叔初南頓君為濟陽令而世祖生是歲嘉禾生縣界大熟因名秀按此即小名也當時故識言劉秀作天子於是世祖亦自負焉

聖通

皇后郭氏真定人父昌真定恭王以女妻昌昌早終其

妻號曰郭主好禮節儉以王女之富手常操作女曰聖通有寵生皇子強况以為城門校尉封緇曼侯况皇后弟也賞賜甚厚京師號為金穴

班昭

班昭字惠姬曹世叔妻彪之女也大家集云子毅為陳留長大家隨至官作東征賦

阿瞞

魏武帝曹操字孟德小名阿瞞故有曹瞞傳南陽許攸字子遠少與袁紹及太祖善官渡之役攸諫紹勿與太

小名錄
太祖爭紹不從乃往詣太祖紹破走及後得冀州攸有功焉攸情動勞時與太祖相戲每在座席不自限至呼太祖小字曰阿瞞卿不得我不得冀州太祖笑曰汝言是也

女王

文德郭皇后少清慧父永奇之曰吾此女女中王遂以女王爲字早失二親遭難流離在銅鞮侯家太祖爲魏公時得入東宮文帝所

薛靈芸

美人姓薛名靈芸靈芸年十七容貌絕世時文帝選良家子以入六宮靈芸別父母升車以玉唾壺承淚壺皆紅色帝遣文車十乘以迎靈芸去京十里帝乘雕玉之輦以望車徒之盛嗟曰昔言朝爲行雲暮爲行雨今非雲非雨非朝非暮因易名爲夜來夜來妙於針工非夜來裁製帝不服也宮中號爲針神

小同

關內侯鄭小同元之孫也元別傳曰元有子爲孔融吏舉孝廉融之被圍往赴爲賊害有遺腹子以丁卯月生

而元以丁卯歲生命之曰小同長遂名焉

萬倍

李通字文達江夏平春人也小字萬億勇冠三軍為太祖所知卒謚剛侯

寇奴

臧霸字宣高泰山人也聞黃巾起霸從陶謙擊破之拜騎都尉遂收兵於青徐間與孫觀吳敦尹禮並聚眾霸以兵助呂布布敗歸太祖太祖善之霸一名寇奴孫觀名嬰子吳敦名黯奴尹禮名盧兒觀官至青州刺史從

征孫權為矢貫足力戰不顧

曹黯

曹爽之專政也其黨何晏鄧颺丁謚爽敬之言無不從於時謗書謂臺中三狗二狗崖柴不可當一狗憑黯作狙囊三狗謂何鄧丁黯爽小字其意言三狗皆欲齧人者

紡績

孫權未臨海羅陽縣有神自稱王表羅陽今周旋民間之安國言語飲食與人無異然不見其形有一婢名紡績權遣

中書郎李崇齊輔國將軍羅陽王印綬迎表表隨崇俱
出所歷山川遺紡績與神相聞崇與表至權立第舍於
蒼龍門外數使近臣齎酒往表問水旱小事往往奇中

彭祖

後王孫皓字元宗一名彭祖字皓宗或云彭祖小字也

阿斗

蜀後主禪小字阿斗孟達與劉封書曰自立阿斗以來
可為寒心

南風

愍太子名遹字熙祖惠帝長子姊王衍小女字惠風
其將廢也有童謠曰南風烈烈吹白沙南望魯國鬱鬱
幾千歲髑髏生齒牙南風賈后小字也白晉行也沙門太
子小字也魯賈謐國也言太子遭賈后與謐相危之酷也

桃符

齊獻王攸字猷少岐嶷及長清和平易親賢好施愛經
籍能屬文善尺牘世推才望出武帝之右景帝無子命
立為嗣及帝崩攸年十歲哀動左右武帝踐阼臨朝時
病創攸總統軍事撫寧內外莫不景附焉初獻王寵攸

每見輒撫床呼其小字曰此桃符座幾為太子者數矣
文明太后將崩謂武帝曰桃符性急汝宜私之矣

齊奴

石崇字季倫勃海清河人苞之子生於青州故小字齊奴苞六男崇是小子苞臨終分諸子財獨不及崇其母為之言苞曰此兒雖小大能自得拜黃門累遷荊州刺史崇有愛婢名翔風魏末於胡市買得年始十歲至二十遂有容色妙別玉聲觀寶色石氏之富瑰寶皆殊方異國所得莫辨其處翔風別之皆出人地崇艷麗者數

千翔風以文詞擅愛

絲珠弟子宋緯國色善吹簫後入秦明帝宮中

阿童

王濬字士治宏農人也小字阿童為益州刺史時吳中有童謠曰阿童復阿童衝刀浮渡江不畏岸上虎但畏水中龍羊祜聞之乃表濬監益州加龍驤將軍竟平吳諺言應矣

婉淑

賈充字公閎娶李氏名婉淑生二女一曰褒裕二曰琴裕李氏父豐被誅李坐流徙充復娶陽城太守郭配女

魏妬忌甚李氏會赦得還帝特詔充置左右夫人充謙不敢當其實長槐也

銅環

瑯琊恭王觀妃小字銅環生元帝先有讖云銅馬入海建業期後元帝果興於江左

阿戎

王戎字濬冲瑯琊臨沂人祖雄少渾阮籍素與濬友年十五在郎舍籍每過渾儀傾軋書過視戎良久方出謂渾曰濬冲清儻非卿比與卿言不如共阿戎談也

王安豐曰阿戎解人語

造集

阮咸字仲容性任誕不拘小節私姑家之貉婢始徙居初云留後乃携去咸時居喪聞之借客驢追之連騎而返獲議與世廢棄者久之及孕之生也其姑取王延壽魯靈光殿賦語曰胡遙集於上楹乃字曰遙集仲容每嘆曰我雖失三公然得遙集

阿大中郎

王凝之妻謝氏道韞安西將軍奕之女也初適凝之還

甚不悅叔父安曰王郎逸少子不惡汝何恨耶荅曰一
門叔父則有阿大中郎羣從兄弟復有封胡過未封胡
謝元暉不意天壤之中乃有王郎過未

謝過

謝公因諸子集聚問毛詩何句最佳過稱曰昔我往矣
楊柳依依今我來思雨雪霏霏公曰訐謨定命遠猷辰
告此句偏有騷人深至暉元過年少時好着紫羅香囊
垂裏子叔父患之而不欲傷其意乃譎與棋賭賭得乃
燒之

謝虎子

桓宣武作徐州時謝奕於晉陵先桓經度懷而無異常
及桓還荆州時面晤之間意氣甚篤奕弗之疑唯謝虎
子據小字婦王據取太原王輻女名經悟其旨曰每日桓荆州用
意殊異必與晉陵俱西矣俄而引奕為司馬奕在溫座
席岸憤嘯誅宣武曰我方外司馬

買得郎

桓冲字幼子彝之子溫諸弟中取淹識有武幹溫甚器
之初彝亡弟兄並小家貧母患須羊以解無由得之溫

乃以冲為質羊王甚富言欲為質幸為養質得郎冲小字及冲為江州出射羊王於射堂邊看冲識之曰買得也遂厚報之冲性儉素常浴後其妻送以新衣冲怒促持去其妻曰衣不經新何緣得故冲笑而服之

靈寶

桓元字敬道一字名靈寶元南郡被召作洗馬泊船荻渚王大王大號小字也服散已小醉往看桓元為設酒或云忱字弗大王大不能飲顧左右令温酒來元以手中掩淚王求去因謂王曰犯我家諱何預卿事王嘆曰靈寶故自達

語林曰元不立忌曰止立心桓循少為元所侮每言論時其達而不拘皆此類也

常鄙薄之循深以為憾及元將篡循請於母庾夫人計襲元庾曰靈寶視我為骨肉忍相圖耶循乃止循小字阿厓

盤龍

劉毅字希樂彭城人破桓元以功授都督淮南五郡軍事豫州刺史封南平郡開國公都督宣城軍事初桓元在南州起齋悉畫盤龍號盤龍齋毅小字盤龍至是居焉

桓鎮惡

桓石虔小字鎮惡豁之子有材幹趨捷絕倫從父在荊州於獵園中有猛獸被箭而伏諸督將素知其勇戲令投箭石虔亦跳高於獸獸伏復拔一箭以歸有患瘧者呼石虔來疾者多愈

期生

稽爽字茂宏河南人太傅袁之孫祕書監詔之子太傅謝安見其少嘆曰若期生小不佳我不復論事長果俊邁有風氣

阿大

王忱字元達坦之子王恭隨父蘊在會稽王大忱小都來拜墓恭暫往墓下看之二人素善遂十餘日方還父問何故多日對曰與阿大語蟬連不得歸

又

司馬太傅為一王題目曰孝伯亭亭直上阿大羅羅清

疎

佛大

王衍嘗為天下士題目曰阿平第一王澄庾家阿嵩庾第一處仲得第三王孝伯問王大曰阮籍何如司

馬相如王大曰阮籍胸中壘塊故須酒澆之王佛大笑
曰三日不飲酒便覺形神不復相親

赤玉

庾統字長仁衛將軍暹之子也少有令名仕至潯陽太
守簡文曰庾赤玉省率除埋謝仁祖常云庾赤玉胸中

無宿物統小字亦王

嘉賓阿源

郝超小字嘉賓少有才氣越世邁俗常檢語曰大才槃
槃謝家安盛德曰新郝嘉賓桓公聞之向佛大歎語之

曰嘉賓阿源

設浩字巨源小字阿源

有德有言向便便作令僕足

以儼型百揆朝廷用遲其才耳

袁虎

郝嘉賓書與袁虎嘉賓小字戴安道謝居士云伯任之風當

有所引耳以無常以此激之

阿林

王臨之字仲產僕射彪之子位至東城太守王右軍曰

我家阿林臨之小字情章太出

阿乞

邳恢字道脩小字阿乞王子猷詣邳雍州邳在內見有
甌甌云阿乞那得此物勅左右送還家邳出覓之曰向
有大力者負之而趨邳無忤色

阿齡

王胡之子循齡清約以風操自矜才器率眾舉有秀悟
小字阿齡謝太傅語劉長卿曰阿齡於此事欲大屬劉
曰亦名士之高操者也

阿興

王蘊恭之父也小字阿興世稱奇子秀出阿興清和

僧珍法獲

王珣字元琳小字法獲一云阿苾王珉字季琰小字僧
珍並有才藝時人語曰僧珍難為兄法獲難為弟

小虎

吳步夫人生二女長曰魯班字虎少曰魯育字小虎

怪名造字

孫休字子烈權第六子即位立子璽為太子乃下詔曰
人之有名以相紀別長為作字憚其名矣禮名子欲令
難犯易避今為四方作名字太子名璽音如湖水字蘭

音如逃次名虎音如兕字壽音如儻次名鉅音如草字

令之逃音如舉次名音如哀竟音如擁特音如此都不與

世所用同故鈔舊文今造此字既不相配又字但一庶

易避也普告天下咸使聞知此名之奇推故附於此

朝妹麗居潔華洛寶

孫亮字子明權少子權薨即尊號亮有愛姬四人皆振

古絕倫一名朝妹二名麗居三名潔華四名洛寶又作

綠琉璃屏風甚薄而徹每月下清夜舒之使四姬坐屏

風內而外望之如無隔唯氣不通耳為四姬合四氣香

皆異國所出香氣在衣歷年彌盛百濯不歇因名百濯

香

阿螭

王恬字敬豫小字阿螭少好武不為文公所重丞相每

見長豫悅則喜見敬豫則瞋阿螭基為中興第一謝公

嘗與謝萬共出西過吳郡阿螭欲相與羣王恬所為吳

郡太傅曰恐伊不必酬汝意不足爾萬猶苦要太傅堅

不迴萬獨往坐少時王便入內謝殊有忻色以為厚待

已良久乃沐頭散髮而出亦不坐仍據胡床在中庭晒

頭神氣傲邁無相酬對意萬於是乃還未至船乃逆呼
太傅曰阿嬌故作爾

虎狔虎犢

王彭之字安壽小字虎狔彪之字叔武小字虎犢皆彬
之子彪之年二十鬢髮皓白時人號為生白髮為會稽
內史豪右斂手

又

王右軍在南丞相與書每嘆子姪不令云虎狔虎犢還
其所知

園客

庾翼字稚恭為荊州臨終自表以子園客庾爰之字自
仲直小字
代朝廷慮其不從命未知所為乃共議桓温劉恢曰使
伊去必能克定荊州恐不可復制後果如恢言

桓王

桓伊字叔夏譙國鉅人伊少有小藝善音律有柯亭笛
常自吹之一日王徽之赴召京師泊州於青溪側伊素
不與徽之相識伊於岸上過船中客稱伊小字曰桓王
也徽之使人謂伊曰聞君善吹笛試為我一奏伊時貴

顯素聞徽之名便下車踞胡床作三調弄上車便去主
客不交一言一云字子野也

豹奴崖附

桓嗣字祖恭冲之子也少字豹奴人或謂之桓豹奴是
王丹陽廷外甥形似其舅恒甚諱之宣武云下恒似時
似耳或謂恒似是形時似是神桓愈不悅

桓允素輕桓崖桓修家在京下有好桃元連就之遂得
侍者元與殷仲文書曰德之休明肅慎貢其楛矢如其

胡奴

陶範字道則侃第十九子諸子中最知名王修齡嘗在
東甚貧乏陶胡奴範小字為烏程令送一舟米遺之卻不
肯取直答語王修齡若饑自當就謝仁祖索不須陶胡
奴來

盧奴

江斡字仲愷濟陽人父彪僕射斡歷黃門侍郎御驃騎
諮議王恭請盧奴斡小字為長史晨往詣江江猶在帳中
王坐不敢即言良久乃得及江不應直呼人取酒自飲

一梳又不與王王乃笑而去

棘奴

後趙石季龍殺勅子宏僭位大饗羣臣於太武殿佛圖澄吟曰殿乎殿乎棘子成林將壞人衣季龍令發殿石下視之有棘生焉諸石後為冉閔滅畧盡閔小字棘奴

阿鐵

石季龍立子邃為太子邃字大淵少而雄慧帝深愛之及為嗣每顧左右曰馬家父子兄弟自為殘滅若其不然吾豈有今日如我當有殺阿鐵理乎鐵邃小字

白瓜

涼天水太守史穆暴疾而死五日乃甦云見涼光殿中皆生白瓜至秦使梁熙至熙小字白瓜

長生桐推

超王李暠小字長生後立欽字士業元盛夢為涼公領涼州牧代沮渠為蒙遜所殺又燉煌父老令狐熾家見白頭翁衣袷識曰南風動吹長木胡桐推木中較言訖不見士業小字桐推至是乃亡

鳳凰惡奴

前燕慕容冲小字鳳凰後燕慕容農小字惡奴

寄奴

宋高祖劉裕字德輿小字寄奴

車兵

少帝義符小字車兵武帝長子

車兒

文帝名義隆小字車兒武帝第三子

道民

孝帝武駿字休龍小字道民文帝第三子

法師

前廢帝子業小字法師孝武長子殘忍無道湘東王或廢之

榮期

明帝或字休炳小字榮期文帝第十一子

慧震

後廢帝昱字德融小字慧震明帝長子

智觀

順帝淮字仲謀小字智觀

道隣

廣陵王義直字車士爲揚州刺史太后謂帝曰道隣汝布衣時兄弟宜用爲揚州上曰寄奴爲道隣豈有所惜但揚州根本所寄事務至多非道隣所了太后曰道隣年出五十不如汝十歲兒也上曰車士雖爲刺史事無大小皆由寄奴道隣年長不親其事則於聽不足太后默然

王駒

王愉小字駒晉尚書僕射江右冠族子綏亦有重名

劉道民

劉穆之字道和小字道民高祖初尅京城謂何無忌曰急須得一府王簿如何何無忌曰無過劉道民也

何秀

劉秀之小字何秀瑀族叔秀之爲丹陽尹瑀與親故書曰吾家黑面何秀遂居劉安衆處朝廷不爲多士

王鎮惡

王鎮惡祖猛父休五月五日生家以俗忌欲以出繼疎宗猛見曰此非常兒昔孟嘗君以五月五日生而將興

吾門矣遂用為嗣鎮惡後封博陵侯進號征虜將軍

向稱

向靖小名稱與高祖諱同改稱小字今傳稱向稱是也

阿壽

劉敬宣為青州都督諸葛長民招以同叛敬宣遂遣使

呈高祖曰阿壽敬宣小字正謂不負我也

道兒

謝述與劉湛為異常之交湛美甚有風度謂人曰我見

謝道兒未嘗足道兒述小字

客兒

謝靈運小字客兒初錢塘杜明師夜夢中向有人來入
館是夕即靈運生於會稽旬日而謝元亡其家以子難
得遂送靈運於杜治養之十五方還郡故名曰客兒

虎頭

始興王濬字休明將產之夕有鵬鳥鳴於屋上巫蠱事
發上謂潘淑妃曰太子圖貴富更是一理虎頭潘小字也復
如此非愚慮所及汝母子豈可一日無我也皆賜死

阿遠

謝宏微父母思武昌太守從叔峻無子峻以宏微爲嗣
本名密犯所係內諱故以字稱與族子靈運瞻竝以
文義賞會居烏衣巷同遊叔父混敬賞之嘗曰阿遠瞻
字剛而負氣阿客博而無檢矜奴才而昧操篤善不同
設後功濟三子終亦以此爲恨微子吾無間然

班虎

劉湛字宏仁小字班虎殷景仁與湛俱爲太守任遇初
相欵洽後漸猜隙義康專權而湛昔爲上佐以舊情自
結傾黜景仁義康盡屬湛諸人附欵無復至殷氏門湛
黨劉敬文父成未晤其機詣景仁求郡敬文遽往謝湛
曰老父悖老遂就殷鐵求郡有負生成闔門慚懼其姦
詔如此阿鐵景仁小字

范博

范曄字蔚宗父泰母如廁產之額爲搏所傷故小字搏
女生

曾爽小字女生祖宗之南陽郡公宗之子軌一名象齒
卽爽之父也

劉胡

劉南陽沮陽人本字幼胡以其顏面如黑似胡及長乃單為胡出牙郡將捷口善處分稍至隊主蠻甚畏之小兒啼怖之曰劉胡來便止

阿舒

陶潛字元亮一字淵明集載責子詩云白髮披兩鬢肌膚不復實雖有五男兒初不好紙筆阿舒已十二懶惰故無匹阿宣行志學而不好文述雍端年十三不識九與七通子垂六齡但覓粟與粟天運苟如此且進杯中物又載與儼等疏云嘗儼侯份修等云云又有命子詩

云三千之罪無後為急我誠念哉呱聞爾泣小云嘉因占亦良時名汝曰儼字汝求思按此儼即阿舒也

鮑令暉

鮑照字明遠妹字令暉有才思亞於明遠著香茗賦集行於世

鬪將龍兒

齊高帝名道成字紹伯小字鬪將世祖皇帝熙字宣遠太祖長子生於建康青溪宅其父陳孝后劉昭后同夢龍據因小字曰龍兒初高祖在府夢着殿上太極殿三

人從一人武帝一人明帝一人張天地圖而不識意言
是梁太祖子弟及踐祚常與梁太祖密宴謂曰我辛苦
得天下而祚不傳孫我死龍子當得也龍兒龍子死當屬
阿度元度此後當還卿子

法身

鬱林王昭業字文尚文惠太子長子小字法身文惠薨
立為皇太孫美容止好隸書世祖勅皇孫手書不得妄
出意貴重之嘗呼為法身坐之重幄常撫問即位不君
以罪廢

元度

高宗明皇帝鸞字栖景始安王道生子小字元度自宣
城王即位

白澤

文惠太子長懋字雲喬世祖長子小字白澤

阿答

前湘州刺史王蘊太后兄弟有膽力以父楷名官不達
將欲自奮每撫劍曰龍泉太阿汝知我者叔父景文曰
阿答滅我門戶蘊答曰與童烏貴賤覺異童烏景文子

小名錄

狗小字阿荅蘊小字後與劉康元案謀反死

崑崙

崑崙將軍父懌不慧初不爲娶家以貉婢侍之
生琨遂名崑崙懌後娶南陽樂元女無子改名琨立以
爲嗣性清慎官至侍中

白象

長沙威王晃宣明太祖第四子有武力太祖愛子臨崩
以晃爲世祖晃愛武飾鞠罪徐州私載數百人犯還都
爲禁司所覺棄之江水世祖大怒豫章王疑御前稽首
涕泣曰晃罪誠不足宥陛下當憶先朝念白象上亦垂
泣舍之白象晃小字

阿五

武陵昭王曄字宣照太祖第五子母羅氏以罪誅曄見
愛世祖卽位曄數以言語忤旨世祖嘗幸豫章王疑東
田宴諸長王獨不召曄疑曰風景殊美今日甚憶武陵
上乃令呼之曄善射屢發命中顧四座曰手如何上神
色甚怪疑曰阿五常曰不爾今日可謂仰藉天威帝意
乃釋阿五曄小字

小名錄

玉兒

東昏侯潘淑妃小字玉兒帝為潘起神仙永壽玉殿鑿為蓮花貼地上令潘妃行曰步步生蓮花常市琥珀釵一隻直百七十萬

阿稱

劉瓛字子珪沛郡相人晉丹陽尹恢六世孫少篤學博通五經聚徒教授常有數千性至孝祖母病瀕經年手持膏藥漬指皆爛孔氏甚嚴明謂所親曰阿稱瓛小字是今世曾子也諡真蘭先生

張梨

張冲字思約吳人冲出繼伯父景徹景徹字櫨父邵小字梨宋文帝戲景徹曰櫨何如梨徹答曰梨是百果之宗櫨何敢及

狗兒

張敬兒南陽冠軍人也父醜為郡將母常在田掘拾困極乃卧於瀆間夢有物如犬子頭有角舐之因感而有娠故小字狗兒宋明帝以其名鄙改焉年少使馬有膽氣好射虎發無不中累以軍功為南陽守

蠻奴

巴東王子嚮為荊州刺史直閣將軍董蠻奴粗有氣力子嚮要與同行蠻奴曰殿下癩如雷敢相隨乎子嚮笑曰君敢出此言亦復奇癩上聞而不悅曰人名蠻奴復何容得蘊藉乃改名仲舒

練兒

梁武帝衍字叔達小字練兒

大通

簡文帝諱綱字世讚高祖第三子小字大通

七符

元帝諱繹字世誠高祖第七子小字七符

法真

敬王方智字惠相世祖第九子小字法真

維摩迦葉

昭明太子統字德施高祖長子母曰丁貴嬪小字維摩蕭藻字靖藝少立名行志操清潔善屬文好古體詩高祖每曰子弟並如迦葉吾復何憂累遷尚書左僕射迦葉

統小字

小名錄

三

四集

仙婢

馬仙琬字靈馥小名仙婢長乃改名仙琬善為將與士卒同勞苦居無帷幕衾屏與廝養最下者同

東里西華南容北叟

任昉字彥升樂安人文章之美冠絕一時官至太常昉有四子東里西華南容北叟俱小名並無術墜其家業劉孝標見昉諸子流離不能自振平生舊交莫有收卹者西華冬月著葛被練裙路逢峻峻惕然矜之乃廣朱公叔絕交論到慨見其論抵几於地終身為恨

申子

柳中禮小字申子故庾信哀江南賦云申子奮發勇氣咆勃貫總元戎身先士卒

養矩

謝覽弟舉與王筠王泰俱有令名時人為之語曰王有養矩謝有覽舉養矩筠泰小字也

阿士

劉孝綽字孝綽幼聰敏能屬文舅王融深賞異之每言曰天下文章若無我當歸阿士阿士綽小字也

大善

羊侃字祖忻，少瑰偉，身長七尺八寸，愛文雅，博涉書記，關弓至十石，嘗於兗州堯廟墻直上至五尋，橫行亡迹，性豪侈，善音律，自造採蓮歌，甚有新致，姬妾列侍，窮極侈靡，有彈箏人名大善，着鹿角瓜長七寸，舞人張靜琬，腰圍一尺六寸，時人咸推能掌上舞，又有孫景玉，能反腰貼地，銜得麻上玉簪，大同中，魏使楊裴同宴賓客三百餘人，皆食金寶器，奏三部女樂，至夕，侍女百餘人，皆執金花燭，侃不飲酒，而好賓遊，終日獻酬，同其醒醉。

法生

陳高祖霸先字興國，小字法生。

藥王

廢帝伯宗字奉業，小字藥王，世祖長子也。

師利

宣帝頊字紹世，小字師利，始興王第二子。

黃奴

後主叔寶字元秀，小字黃奴，宣帝長子。

僧悅

徐陵字孝穆，摛之子，幼聰敏，善屬文，為兒時沙門寶誌見之，驚曰：「天上麒麟，何因至此！」小字儉悅。

任蠻奴

任忠字奉誠，小字蠻奴，汝陰人，少孤微，不為鄉里所重，及長，說謔多計，後累以戰功，進鎮南將軍。

黃頭

游雅字伯度，小字黃頭，廣平任人也，太武時與渤海高允俱知名，徵拜中書博士。

小名錄終

藥譜

唐 侯寧極著 陶穀校述

苾荔清本良於醫藥，數百品名以角貼所題名字，詭異余大駭，究其源底，答言：「天成中進士侯寧極戲造藥譜一卷，盡出新意，改立別名，因時多艱，不傳于世，余以禮求假錄，一通用娛閑暇。」

假君子 牽牛

昌明童子 川烏頭

淡伯 厚朴

木叔 胡椒

雪眉同氣

金尤使者 椒

藥譜

四集

藥譜

骸毒仙 預知子

遠秀卿 沉香

九日三官 吳茱萸

三閻小玉 白芷

時美中 蒟蒻

嗽神 五味子

削堅中尉 三稜中一作都

洞庭奴隸 枳殼

緣劍真人 菖蒲

貴老 陳皮

化米先生 神麩

硫黃

中黃節七 麻黃

導河掾 木猪苓

曲方氏 防風

白天壽 吳木

黃英石 檀香

魏去疾 阿魏

禹孫 澤瀉

風稜御史 史君子

風味團頭 縮砂

骨鯁元君 蕪蘇

調睡秦軍 酸棗仁

知微老 白薇

既濟公 升麻

脫桃嬰兒 桃仁

抱靈居士 香附子

橐籥尊師 倦靈脾

雪如來 白蕨

郝肺侯 欵冬花

苦督郵 黃芩

黑司命 從容

太清尊者 朴術

冷翠金剛 石南果

漚翁 訶梨勒

隨陽給事中 甘遂

藥譜

斜枝大夫 草龍肌

建陽八座 蟬床

藜生藥王 覆盆子

石仲寧 滑石

隱上座 郁李仁

飛風道者 牙硝

畢和尙 畢澄茄

麝男 甘松

草束牀 大腹皮

野文白頭翁

元房仲長統 皂莢

仁棗 川練子

食門錄事 安息香

水狀元 紫蘇

帝膏 蘇合香

金山力士 自然銅

冰喉尉 薄荷

賢曹都尉 葫蘆巴

壽祖 威靈仙

千眼油 蕪人

水銀脂 輕粉

六亭劑 五味子

出樣珊 木通

滄帝 何

洗瘡丹 賓郎

水磨橄欖 金鈴子

無憂扇 枇杷葉

藿香

延年卷雪 桑白皮

黃香影子 梔子

丁香

海 麒麟竭

無名印 地榆

鬼木串 槐角

黑煞星 夜明砂

蠻龍舌血 沒

清涼種 香薰

湯圭 山茱萸

翻胃木 常山

玉皇瓜 馬兜鈴

德克 杏仁

永嘉聖脯 乾薑

藥本 五靈脂

續命筒 乾漆

羽化魁 五加皮

度厄錢 連翹

聖龍鬆 瞿麥

醒心杖 遠志

偷蜜珊瑚 甘草

泥沌螟蛉 寄生

紅心石 赤石脂

靜風尾 荆芥

正坐丹砂 附子

山屠 黃蘗

甜面淳干 蜜陀僧

痰宮野歷 半夏

鎖眉根 苦參

小帝青 青鹽

縷帶米 麥蘗

夜金 雄黃

無聲虎 六黃

迎陽子 才絲子

脾家瑞氣 肉苁蓉

剔骨香 青皮

玉虛飯 龍腦

黑龍衣 鱉甲

百辣雲 生薑

半夏精 天南星

沙田髓 黃精

小昌明 草烏頭

藥譜

草兵 巴豆

百子堂 草果子

琥珀孫 松脂

不死麴 茯苓

比日沉香 烏藥

地白 瓜棗根

滴膽芝 黃連

瘦香嬌 丁香黃一

王綠皮 杜仲一

藥烟九助 烏梅

皺面還丹 人參

賊參 薺花

火泉 竹汁

陸續丸 蔓荆子

天豆 破故紙

白附子

血櫃

川元蠶 川芎一

百藥綿 黃耆

通天拄杖 牛膝

汭田霖雨 巴戟

飛天蔬 旋復花

鄗芝 天麻

草魚目 鱉甲仁

尉陀生 桂

蘆頭豹子 柴胡

九女春 鹿茸

英華庫 益智

姜黃

首丈鬚 石斛

安神隊杖 麥門冬

錦繡根 芍藥

茅君寶篋 蒼木

鍊形松子 柏子仁

丑寶 牛黃

藥譜

五

肚裏屏風艾

女二天當歸

旱水晶鵬歸一作

兩平章羌活

一寸樓臺蜂巢

無情手硼砂

綠鬚姜細辛

走根梅乾葛

銀條德星山藥

九畹菜澤蘭

天通綠木香

還元大品地黃

苑冰白殭蚕

三尺籙栴檀

拔翠團麝香

笑壓金菊花

八月珠荷香

埋光烏藥良姜

樁聖單揆

吉祥杵桔梗

線子檀芽香

產家大器秦羌

鬼丹芦苓一作盧會鬼一作泥

瓦瓏班貝母

萬金茸紫苑

西天蔓前胡

五福禱白欬

破軍殺大戟

金母蛻舊金

良醫七首葶藶

滴金卵延胡索

宜州樣子

孝梗知母

秦火蒺藜

卷柄

保生聚

異言

狻奴 狻猊

傅身 修光花

蒜腦 蒜百合

玉靈片 石膏

六
四集

異疾志

唐 段成式纂

王布女

永貞年東市富民王布有女年十四五艷麗聰悟鼻兩孔各垂息肉如阜莢子其根細如麻經長寸許觸之痛人心隨其父破錢數百萬治之不差忽一日有梵僧乞食因問布知君女有異疾可一見吾能止之布大喜即見其女僧乃取藥色正白吹其鼻中少頃摘去之出少黃水都無所苦布賞之百金梵僧曰吾修道之人不受

異疾志

四集

厚施唯乞此息肉珍重而去勢疾如飛布亦異其賢聖也約僧去五六里復有一少年美如冠玉騎白馬扣門曰適有胡僧到無布遽延入具述胡僧事其人吁嗟不悅曰馬小蹶足竟後此僧布驚異詰其故曰上帝失藥神二人近知藏于君女鼻中我天人也奉命來取不意此僧先取之吾當獲譴矣布方作禮舉首而失

句容佐史

句容縣佐史能啖鱸至數十斤恒食不飽縣令聞其善啖乃出百斤史快食至盡因覺氣悶久之吐出一物狀

如麻鞋底縣令命洗出安鱸所鱸悉成水累問醫人術士莫能名之命小吏持往揚州賣之高舉其價冀有識者其人至揚州四五日有胡人求買初起一千累增至三百貫胡輒還之初無酬酢人謂胡口是句容縣令家物君必買之當相隨去胡因隨至句容縣令問此是何物胡云此是銷魚之精亦能銷人腹中塊病人有患者以一片如指端繩繫之置病所其塊即銷我本國太子少患此病父求愈病者賞之于金君若見賣當獲大利令竟賣半與之

劉錄事

和州劉錄事者大歷中罷官居和州芳縣食兼數人尤能食鱠嘗言鱠味未嘗果腹邑客乃網魚百餘斤會于野庭觀其下筋劉初食鱠數楪忽以小噎因吐出一骨珠子大如豆乃寘于茶甌中以楪覆之食未半怪覆甌楪傾側舉視之向骨珠子已長數寸如人狀座客競觀之隨視而長頃刻長及人遂捽劉因相毆流血良久各散走一循廳之西一轉廳之左俱及後門相觸翁成一入乃劉也神已癡矣半日方能語訪其所以皆不省之

劉白是惡鱠

蟾蜍

晉孝武時義興人周客有女年十八九美而慧性嗜脂噉之恒苦不足有許纂者聘為妻到婿家食鱠如故家為之貧于是門內博議恐此婦非人命歸家乘車至橋南見鄰家取魚作鮓置案上可有十許斛便于車中下一千錢付與魚主令搗齏乃下車熟食五斗生食五斗噉畢便極悶臥須臾踞地大吐水忽有一蟾蜍從吐石出遂絕不復噉病亦愈時天下大兵

徐明府

金鄉徐明府者，隱而有道術。河南劉崇遠有妹，為尼居楚州。常有一客，尼寓宿，忽病癆，瘦甚且死。其妹省之，眾其見病者，身中有氣如飛，盡入其妹衣中，遂不見病者。死妹亦病，俄而劉氏舉院皆病。崇遠求于明府，徐曰：置金陵絹一匹，吾為爾療之。如言，送絹訖，翌日劉氏夢一道士執簡而至，以簡徧撫其身，身中白氣騰上如炊。既寤，遂輕爽能食。頃之，徐封絹而至，口置絹，席下寢其上，即差矣。如其言，遂愈。已而視其絹，乃畫一持簡道士，娟

所夢者

王守一

唐貞觀初，洛城有一布衣，自稱終南山人，姓王名守一，常負一大壺賣藥。人有求買，不得者，病必死。或急授無疾人，其人旬日後必染沈痼也。洛陽柳信者，家累千金，唯有一子。既冠後，忽于眉頭上生一肉塊，歷療不除。及聞此布衣，遂躬請至家，出其子以示之。布衣先焚香，命酒脯祭祝，後于壺中探一丸藥，嚼傳肉塊，復請具樽俎，須臾間肉塊破，有小蛇一條，突出在地，約長五寸，五色

爛然漸漸長及丈許守一乃盡飲其酒叱蛇一聲其蛇
騰起雲霧昏暗守一欣然乘蛇而去不知所在

刁俊朝妻

安康伶人刁俊朝其妻巴嫗項有瘦初微若雞卵漸巨
如三四升餅益積五年大如數斛之鼎重不能行其中
有瑟瑟聲磬填篋之響細而聽之若合音律泠泠可樂
積數年瘦外生小冗如針芒者不知幾億每天欲雨則
冗中吹白烟霏霏如絲縷漸高布散結爲屯雲雨則立
降其家少長懼之咸請遠送巖穴俊朝不忍妻聞之謂

其夫曰吾此疾誠可惜送之亦死拆之亦死君當爲我
決折之看有何物俊朝卽磨淬利刃揮挑將及妻前瘦
中軒然有聲遂四分披裂有一大猱跳躍而去卽以帛
絮裹之雖瘦疾頓愈而冥然大漸矣明日有黃冠扣門
曰吾乃昨日瘦中走出之猱也吾本獼猴之精解致風
雨無何與漢江鬼愁潭老蛟還往常與覬船舸將至俛
覆之以求食昨日太一誅蛟搜索黨與故借君夫人螭
蟬之領以匿性命雖分不相干然爲累亦甚矣今于鳳
凰山神處求得少許靈膏請君塗之幸當立愈俊朝如

其言塗之隨手瘡合俊朝因留黃冠烹雞設食食訖貫酒欲飲黃冠因嚙喉高歌又為絲匏瓊王之音罔不鏗鏘可愛既而辭去莫知所詣時大定中也

虱瘤


浮梁李生得背痒疾隱起如覆盆無所痛苦唯奇痒不可忍飲食日削無能識者醫士秦德止見之曰此虱瘤也吾能治之取藥敷其上又塗一綿帶繞其上經夕瘤破涌出虱斗許皆蠢蠕能行動即日體輕但一小竅如箸端不合時時有虱涌出不勝計竟死焉嘗記唐小說

載晉魏公鎮滑臺日州民病此魏公云世間無藥療唯千年木梳燒灰及黃龍浴水乃可治正與此同

王彥伯

荆人道士王彥伯天性善醫尤別脈斷人生死壽夭百不差一裴胃尚書子忽暴中病眾醫拱手或說彥伯遽迎使視脈良久曰都無疾乃煮散數味入口而愈裴問其狀彥伯曰中無腮鯉魚毒也其子因膾得病裴初不信乃膾鯉魚無腮者令左右食之其候悉同始大驚異焉

異疾志終



大藏治病藥

唐 釋靈澈錄

大藏經曰救災解難不如防之為易療疾治病不如避之為吉今人見左不務防之而務救之不務避之而務藥之譬之有君者不思勵治以求安有身者不能保養以全壽是以聖大求福於未兆絕禍於未萌蓋災生於稍稍病起於微微人以小善為無益而不為以小惡為無損而不改孰知小善不積大德不成小惡不止大禍立至故太上特指心病要目百行以為病者之鑑人能

靜坐持照察病有無心病心醫治以心藥奚何盧扁以
瘳厥疾無使病積於中傾潰莫遏蕭牆禍起恐非金石
草木可攻所為長年因無病故智者勉焉

- 喜怒偏執是一病
- 亡義取財是一病
- 好色壞德是一病
- 專心係愛是一病
- 憎欲無理是一病
- 縱貪蔽過是一病
- 毀人自譽是一病
- 擅變自可是一病
- 輕口喜言是一病
- 快意逐非是一病
- 以智輕人是一病
- 乘權縱橫是一病

- 非人自是是一病
- 侮易孤寡是一病
- 以力勝人是一病
- 威勢自擯是一病
- 語欲勝人是一病
- 貨不念償是一病
- 曲人白直是一病
- 以直傷人是一病
- 與惡人交是一病
- 喜怒自伐是一病
- 愚人自賢是一病
- 以功自矜是一病
- 誹議名賢是一病
- 以勞自怨是一病
- 以虛為實是一病
- 喜說人過是一病
- 以富驕人是一病
- 以賤訕貴是一病

讒人求媚是一病
以貴輕人是一病
敗人成功是一病
好自掩飾是一病
陰陽嫉妬是一病
多憎少愛是一病
推負著人是一病
持人長短是一病
施人望報是一病

以德自顯是一病
以貧妬富是一病
以私亂公是一病
危人自安是一病
激厲旁悖是一病
堅執爭鬪是一病
文拒鈎錫是一病
假人自信是一病
無施責人是一病

與人追悔是一病
好殺蟲畜是一病
毀譽高才是一病
毒藥酖飲是一病
以賢噴喘是一病
不受諫諭是一病
投書敗人是一病
煩苛輕躁是一病
好自作正是一病

好自怨憎是一病
蠱道厭人是一病
憎人勝己是一病
心不平等是一病
追念舊惡是一病
內踈外親是一病
笑愚痴人是一病
撻撻無理是一病
多疑少信是一病

笑顛狂人是一病	躑踞無禮是一病
醜言惡語是一病	輕慢老少是一病
惡態醜對是一病	了戾自用是一病
好喜嗜笑是一病	當權任性是一病
詭譎諛語是一病	嗜得懷詐是一病
兩舌無信是一病	乘酒凶橫是一病
罵詈風雨是一病	惡言好殺是一病
教人墮胎是一病	干預人事是一病
鑽穴窺人是一病	不借懷怨是一病

負債逃走是一病	背向異詞是一病
喜抵捍戾是一病	調戲必固是一病
故迷悞人是一病	探巢破卵是一病
驚胎損形是一病	水火敗傷是一病
笑盲聾啞是一病	亂人嫁娶是一病
教人捶搯是一病	教人作惡是一病
含禍離愛是一病	唱禍道非是一病
見貨欲得是一病	強奪人物是一病

此為百病也人能一念除此百病日逐黠檢使一病不

作決無災害痛苦煩惱凶危不惟自己保命延年子孫
百世永受其福矣

大藏經曰古之聖人其為善也無小而不容其于惡也
無微而不改改惡崇善是藥餌也錄所謂百藥以治之

愚無邪僻是一藥

行寬心和是一藥

動靜有禮是一藥

起居有度是一藥

近德遠色是一藥

清心寡慾是一藥

推分引義是一藥

不取非分是一藥

雖憎猶愛是一藥

心無嫉妬是一藥

教化愚頑是一藥

諫正邪亂是一藥

戒勸惡僕是一藥

開導迷誤是一藥

扶掖老幼是一藥

心無狡詐是一藥

坂禍濟難是一藥

常行方便是一藥

憐孤恤寡是一藥

矜貧救厄是一藥

位高下士是一藥

語言謙遜是一藥

不負宿債是一藥

愍慰篤信是一藥

敬愛卑微是一藥

語言端慤是一藥

推直引曲是一藥

不爭是非是一藥

逢侵不鄙是一藥	受辱能忍是一藥
揚善隱惡是一藥	推好取醜是一藥
與多取少是一藥	稱歎賢良是一藥
見賢內省是一藥	不自誇彰是一藥
推功引善是一藥	不自伐善是一藥
不掩人功是一藥	勞苦不恨是一藥
懷誠抱信是一藥	覆蔽陰惡是一藥
崇尚勝己是一藥	安貧自樂是一藥
不自尊大是一藥	好成人功是一藥

不好陰謀是一藥	得失不形是一藥
積德樹恩是一藥	生不罵詈是一藥
不評論人是一藥	甜言美語是一藥
災病自咎是一藥	惡不歸人是一藥
施不望報是一藥	不殺生命是一藥
心平氣和是一藥	不忌人美是一藥
心靜意定是一藥	不念舊惡是一藥
匡邪弼惡是一藥	聽教伏善是一藥
忿怒能制是一藥	不干求人是一藥

無思無慮是一藥
對人恭肅是一藥
恬靜守分是一藥
以食飲人是一藥
樂天知命是一藥
寬舒大度是一藥
息心抱道是一藥
濟度貧窮是一藥
信禮神佛是一藥
尊奉高年是一藥
內修孝悌是一藥
和悅妻孥是一藥
助修善事是一藥
遠嫌避疑是一藥
敬信經典是一藥
爲善不倦是一藥
捨藥救疾是一藥
知機知足是一藥

清閑無欲是一藥
好生惡殺是一藥
不犯禁忌是一藥
謙已下人是一藥
喜談人德是一藥
貴能接人是一藥
不尚爭鬪是一藥
不生好盜是一藥
不樂詞訟是一藥
仁慈謙愛是一藥
不寶厚藏是一藥
節儉守中是一藥
隨事不慢是一藥
不造妄語是一藥
富能救人是一藥
不淫妓雋是一藥
不懷兇厭是一藥
扶老挈幼是一藥

此爲百藥也。人有疾病，皆因過惡。陰掩不見，故應以疾病因緣。飲食風寒惡氣而起。由人犯違聖教，以致魂迷魄喪。不在形中，肌體空虛，精氣不守。故風寒惡氣得以中之。是以有德者雖處幽闇，不敢爲非。雖居榮祿，不敢爲惡。量體而衣，隨分而食。雖富且貴，不敢恣欲。雖貧且賤，不敢爲非。是以外無殘暴，內無疾病也。吾人可不以白病自究，以百藥自治。養吾天和，一吾心志。作者年壽之地也哉。

治病藥終

